



Broj: 01/1-50-1-1-85/09  
Sarajevo, 2.12. 2009. godine

## Z A P I S N I K

### 85. sjednice Ustavnopravne komisije

Sjednica je održana 2. 12. 2009., s početkom u 9 sati.

Sjednici su prisustvovali članovi Komisije: Šefik Džaferović, Adem Huskić, Martin Raguž, Drago Kalabić, Ekrem Ajanović, Halid Genjac i Momčilo Novaković.

Osim članova Komisije, sjednici su prisustvovali predstavnici: Agencije za državnu službu BiH Neven Akšamija, iz Zakonodavno-pravnog sektora PSBiH Aida Kreho i Alma Salkić-Mijić te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

## D N E V N I R E D

1. Usvajanje Zapisnika 84. sjednice Ustavnopravne komisije, održane 13.11.2009.;
2. Prijedlog zakona o izmjenama i dopunama Zakona o carinskoj tarifi BiH, predlagač: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
3. Prijedlog zakona o izmjeni Zakona o državnoj službi u institucijama BiH, predlagač: Vijeće ministara BiH (**usklađenost sa Ustavom BiH, pravnim sistemom BiH i principi prijedloga zakona, u skladu s članom 103. i članom 104. Poslovnika Doma**);
4. Ostala pitanja:
  - Inicijativa poslanika Sadika Bahtića sa 63. sjednice Predstavničkog doma, održane 4.11.2009. (**razmatranje zahtjeva u skladu s članom 41. stav (2) u vezi s članom 64. stav (2) Poslovnika Doma**);
  - Zahtjev za autentičnim tumačenjem člana 5. stav (6) Zakona o porezu na promet proizvoda i usluga („Službeni glasnik BiH“, br. 62/04), podnosilac: preduzeće „Komerc Mali“ (**razmatranje zahtjeva u skladu s članom 137.stav (2) Poslovnika Doma**);
  - Zahtjev za autentičnim tumačenjem člana 11. stav (4) tačka a) alineja 3) Zakona o javnim nabavkama („Službeni glasnik BiH“, br. 49/04,19/05,52/05,8/06,24/06,70/06), podnosilac: Općina Pale (**razmatranje zahtjeva u skladu s članom 137.stav (2) Poslovnika Doma**);
  - Zahtjev za autentičnim tumačenjem člana 1. stav (5) Zakona o zrakoplovstvu BiH („Službeni glasnik BiH“, br. 2/04), podnosilac: Ministarstvo sigurnosti BiH (**razmatranje zahtjeva u skladu s članom 137.stav (4) Poslovnika Doma**);
  - Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06,24/06,70/06), podnosioci: Agencija za javne nabavke BiH i Ured za razmatranje žalbi (**razmatranje zahtjeva u skladu s članom 137. stav (4) Poslovnika Doma- nastavak postupka**).

**Ad.1. Usvajanje Zapisnika 84. sjednice Ustavnopravne komisije, održane 13.11.2009.;**

S obzirom da nije bilo rasprave, Komisija je jednoglasno usvojila Zapisnik 84. sjednice.

**Ad.2. Prijedlog zakona o izmjenama i dopunama Zakona o carinskoj tarifi BiH, predlagač: Vijeće ministara BiH (usklađenost s Ustavom BiH i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

**Ad.3. Prijedlog zakona o izmjeni Zakona o državnoj službi u institucijama BiH, predlagač: Vijeće ministara BiH (usklađenost sa Ustavom BiH, pravnim sistemom BiH i principi Prijedloga zakona, u skladu s čl. 103. i 104. Poslovnika Doma)**

Predsjedavajući je otvorio raspravu u kojoj je učestvovao direktor Agencije za državnu službu BiH Neven Akšamija.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga zakona o izmjeni Zakona o državnoj službi u institucijama BiH.

**Ad.4. Ostala pitanja:**

- **Inicijativa poslanika Sadika Bahtića sa 63. sjednice Predstavničkog doma, održane 4.11.2009. (razmatranje zahtjeva u skladu s članom 41. stav (2) u vezi s članom 64. stav (2) Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Adem Huskić i Šefik Džaferović.

Komisija je nakon rasprave:

- konstatirala da, u skladu s članom 8. Poslovnika Doma, poslanici imaju pravo da podnose inicijative Predstavničkom domu;
- Komisija, s četiri glasa „za“ bez glasova „protiv“ i dva „suzdržana“ glasa, nije podržala Inicijativu poslanika Sadika Bahtića da se osnuje Posebna istražna komisija Predstavničkog doma Parlamentarne skupštine BiH čiji je zadatak da utvrdi razmjere korupcije u organima vlasti na čijem čelu se nalaze kadrovi iz SDPBiH, s posebnim osvrtom na Grad Sarajevo, smatrajući da se ova inicijativa odnosi na pitanje koje nije u nadležnosti Predstavničkog doma.
- **Zahtjev za autentičnim tumačenjem člana 5. stav (6) Zakona o porezu na promet proizvoda i usluga („Službeni glasnik BiH“, br. 62/04), podnosilac: preduzeće „Komerc Mali“ (razmatranje zahtjeva u skladu s članom 137.stav (2) Poslovnika Doma)**

Nakon rasprave, Ustavnopravna komisija jednoglasno je utvrdila da:

- „Komerc Mali“ d.o.o. iz Prnjavora nije ovlašten podnosilac zahtjeva za autentično tumačenje u skladu s članom 137. stav (2) Poslovnika Predstavničkog doma;
- se Zahtjev „Komerc Mali“ d.o.o. iz Prnjavora ne odnosi na autentično tumačenje pravne norme, nego na praktičnu primjenu odredbe člana 5. stav (6) Zakona o porezu na promet proizvoda i usluga.
- **Zahtjev za autentičnim tumačenjem člana 11. stav (4) tačka a) alineja 3) Zakona o javnim nabavkama BiH („Službeni glasnik BiH“, br. 49/04,19/05,52/05,8/06,24/06,70/06), podnosilac: Općina Pale (razmatranje zahtjeva u skladu s članom 137.stav (2) Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Drago Kalabić, Adem Huskić, Šefik Džaferović i sekretar Komisije Igor Bajić.

Nakon rasprave Ustavnopravna komisija jednoglasno je utvrdila da:

- Općina Pale nije ovlašten podnosilac zahtjeva za autentično tumačenje u skladu s članom 137. stav (2) Poslovnika Predstavničkog doma;
- se Zahtjev Općine Pale ne odnosi na autentično tumačenje pravne norme, nego na praktičnu primjenu odredbe člana 11. stav (4) alineja 3) Zakona o javnim nabavkama BiH.
- **Zahtjev za autentičnim tumačenjem člana 1. stav (5) Zakona o zrakoplovstvu BiH („Službeni glasnik BiH“, br. 2/04), podnosilac: Ministarstvo sigurnosti BiH (razmatranje zahtjeva u skladu s članom 137.stav (4) Poslovnika Doma);**
- **Zahtjev za autentičnim tumačenjem člana 52. stav (6) tačka a) Zakona o javnim nabavkama BiH („Službeni glasnik BiH“, br. 49/04,19/05,52/05,8/06,24/06,70/06), podnosioci: Agencija za javne nabavke BiH i Ured za razmatranje žalbi (razmatranje zahtjeva u skladu s članom 137. stav (4) Poslovnika Doma- nastavak postupka).**

Predsjedavajući je predložio, a Komisija jednoglasno prihvatila prijedlog da se ove dvije tačke dnevnog reda razmatraju na jednoj od narednih sjednica Komisije.

S obzirom da nije bilo više pitanja, sjednica je završena u 10 sati.

**SEKRETAR KOMISIJE**  
**Igor Bajić**

**PREDSJEDAVALAČI KOMISIJE**  
**Šefik Džaferović**